

Marejeo ya *Daftari la Mkutano wa Huduma na Maisha*

NOVEMBA 4-10

Kutafuta Hazina za Kiroho

***it-1* 862 ¶5**

Msamaha

Ni jambo linalofaa kumwomba Mungu msamaha kwa niaba ya wengine, hata kwa niaba ya kutaniko zima. Musa alifanya hivyo kuhusu taifa la Israeli, aliungama dhambi ya taifa zima na kuomba msamaha, na Yehova alikubali sala yake. (Hes 14:19, 20) Pia, Sulemani, alipokuwa akiweka hekalu wakfu, alisali akimwomba Yehova awasamehe watu wake wanapotenda dhambi kisha wageuke na kuacha mwenendo wao mba-ya. (1Fa 8:30, 33-40, 46-52) Ezra alitenda kama mwakilishi wa Wayahudi waliorudishwa ali-poungama waziwazi dhambi zao. Sala yake ya kutoka moyoni yenye kutia moyo iliwachochea watu kuchukua hatua na kupokea msamaha wa Yehova. (Ezr 9:13-10:4, 10-19, 44) Yakobo aliwatia moyo wote kwamba ikiwa yeyote ni mgonjwa awaite wazee wa kutaniko nao wasali kwa ajili yake, na “ikiwa amefanya dhambi, atasamehewa.” (Yak 5:14-16) Hata hivyo, kuna “dhambi ambayo huleta kifo,” dhambi dhidi ya roho takatifu, kuzoea kufanya dhambi kimakusudi ambako hakuna msamaha. Mkristo hapaswi kusali kwa ajili ya wale wanaotenda dhambi kwa njia hiyo.—1Yo 5:16; Mt 12:31; Ebr 10:26, 27; ona DHAMBI, I; ROHO.

NOVEMBA 11-17

Kutafuta Hazina za Kiroho

***it-2* 279**

Karamu za Upendo

Biblia haielezi jinsi karamu hizo za upendo zili- vyofanywa na pia haionyeshi zilifanywa mara ngapi. (Yuda 12) Hazikuamriwa na Bwana Yesu Kristo wala mitume wake, na ni wazi kwamba hazipaswi kuonwa kuwa takwa wala jambo la kudumu. Baadhi ya watu wanasema kwamba karamu hizo zilifanywa na Wakristo walioku- wa matajiri na wakawaalika waamini wenzao ambao walikuwa maskini. Wote pamoja, watoto ambao hawakuwa na baba, wajane, matajiri, na maskini walikula pamoja kwenye meza iliyokuwa na vyakula vingi wakifurahia undugu wao.

***it-2* 816**

Mwamba

Neno lingine la Kigiriki, *spi-las'*, linarejelea mwa- mba au matumbawe yaliyofichika majini. Yuda aliyatumia kuwafafanua watu fulani ambao waliingia kutanikoni wakiwa na nia mbaya. Kama vile miamba iliyojificha ilivyo tishio kwa meli, vi- vyo hivyo wanaume hao walikuwa hatari kwa kutaniko. Alisema hivi kuhusu watu wa namna hiyo: “Hao ndio miamba iliyo chini ya maji katika karamu zenu za kuonyesha upendo wanapoku- la nanyi.”—Yuda 12.